



Broj: JN05-16-4-51-4/25
Sarajevo, 08.09.2025. godine

Na temelju člana 69. stav (2) tačka d) i člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“ broj: 39/14, 59/22 i 50/24), ministar pravde Bosne i Hercegovine, d o n o s i

O D L U K U

o poništenju postupka javne nabavke usluga printa na postavljenim multifunkcijskim uređajima vanjskog pružatelja usluge za potrebe Ministarstva pravde BiH

I

Poništava se postupak javne nabavke usluga printa na postavljenim multifunkcijskim uređajima vanjskog pružatelja usluge za potrebe Ministarstva pravde BiH u skladu sa članom 69. stav (2) tačka d) Zakona o javnim nabavkama Bosne i Hercegovine, jer je dostavljena ponuda nepravilna.

II

Postupak nabavke iz tačke I ove odluke se poništava, odluka stupa na snagu danom donošenja.

O b r a z l o ž e n j e

Ministarstvo pravde Bosne i Hercegovine je 25.07.2025. godine, pokrenulo konkurentski postupak nabavke usluga printa na postavljenim multifunkcijskim uređajima vanjskog pružatelja usluge za potrebe Ministarstva pravde BiH te izvršilo objavu 13.08.2025. godine na portalu javnih nabavki Agencije za javne nabave Bosne i Hercegovine www.ejn.gov.ba.

U ostavljenom krajnjem roku za dostavljanje ponuda pristigla je 1 (jedna) ponuda i to od ponuditelja:

1. ZK OFFICE d.o.o Mostar, Blajburških žrtava 23, 88 000 Mostar

Nakon analize i procjene pristigle ponude, Komisija je utvrdila da dostavljena ponuda ponuđača ZK OFFICE d.o.o Mostar, Blajburških žrtava 23, 88000 ne ispunjava formalno-pravne uslove navedene u tenderskoj dokumentaciji, pa se kao takva smatra nepravilnom.

Tačkom 3.1.3. tenderske dokumentacije broj: JN05-16-4-51-2/25 tehnička i profesionalna sposobnost – član 50. Zakona o javnim nabavkama BiH propisano je:

“Sukladno članu 50. Zakona o javnim nabavkama, ponuđač može sudjelovati u postupku nabavke ako ispunjava sljedeće uslove:

- a) da za servisiranje uređaja koji su predmet nabavke postoje ovlašteni servisi na teritoriji Bosne i Hercegovine;
- b) da je jedan od ovlaštenih servisa iz tačke a) tehnički opremljen i kadrovski osposobljen;
- c) da ima zaposlenog ili zaposlene servisera ili servisere ili da može angažovati tehničko osoblje ili osobu za održavanje multifunkcijskih uređaja.

Dokazi:

da ispunjava navedene uvjete, ponuđač je dužan u sastavu ponude dostaviti sljedeće dokaze:

- a) Izjava sa nazivom i adresom ovlaštenih/ovlaštenog servisa na prostoru Bosne i Hercegovine, za uređaje koji su predmet nabavke, opremu koja je predmet nabave;

- b) Izjava da je jedan od ovlaštenih servisa iz tačke a) tehnički opremljen i kadrovski osposobljen;
c) Izjava da ima zaposlenog ili zaposlene servisera ili servisere ili da može angažovati tehničko osoblje ili osobu za održavanje multifunkcijskih uređaja.

Nadalje, tačkom 3.2. tenderske dokumentacije propisano je da dokazi o ispunjavanju uslova koji se zahtjevaju u tačkama 3.1.1., 3.1.2 i 3.1.3. moraju biti original ili ovjerene kopije od strane nadležnog tijela.

U slučaju da se u ponudi ne dostave dokazi iz ove tenderske dokumentacije ili se ne dostave na način kako je naprijed traženo, ponuđač će biti isključen iz daljnjeg sudjelovanja zbog neispunjavanja navedenih uslova za kvalifikaciju.”

Shodno navedenom, ponuđač u ponudi nije dostavio tražene izjave o ispunjavanju navedenih uslova, te je zbog toga isključen iz daljnjeg sudjelovanja u ovom postupku javne nabavke zbog neispunjavanja formalno-pravnih uslova traženih tenderskom dokumentacijom.

Slijedom navedenog, Komisija je jednoglasno dala preporuku ministru pravde BiH da se u postupku nabavke usluga printa na postavljenim multifunkcijskim uređajima vanjskog pružatelja usluge za potrebe Ministarstva pravde Bosne i Hercegovine, sukladno odredbi člana 69. stavak (2) tačka d) Zakona o javnim nabavkama, kojom je propisano da je ugovorno tijelo obavezno poništiti postupak javne nabave u slučaju da: d) nijedna od primljenih ponuda nije prihvatljiva, **donese odluku o poništenju postupka javne nabavke.**

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) dana od dana kada je primio odluku, odnosno obavještenje o poništenju postupka.

Prilog:

- Zapisnik o ocjeni ponuda

Dostaviti:

- Ponuđači u postupku,
- a/a.

